

Yunghningz Gih:

Hawj Cingsaenz Cienzhoih Guh Saed Haeuj Sim

Mboengqneix, Nanzningz Si Yunghningz Gih banh le 300 lai ciengz hozdung bae hag caeuq lwnhgangj gij cingsaenz Gaiq Daihcibgouj Haj Cung Cienzhoih Aendangj. Aen gih neix youz lingjdauj guhdaeuz, gwnzgnwz lajlaj cungj guh, doidoengh hozdung daj gihgvanh haeuj daengz lajmbanj, daj ganbu mbe daengz vunzlai. Lumjbaenz gak aen danhvei doxhag dox-lienzdoengh lwnhgangj; daengx singzgi 2092 boux ganbu bangfuz daengz 10344 hoh ranzduetgungz bae banh gij hozdung son'gyauq gyo'mbaiq; youq "Hagsib Giengz Guek" "Song Veih It Gyaeuj" daengj bingzdaiz gwnzde hagsib; banh heiq haeuj lajmbanj, "sam roengz mbanj" gagnyienh hozdung, goeng'ik cuengq denyinj daengj. Hawj cingsaenz cienzhoih "mbin haeuj ranz vunzbiengz", hawj vunzlai rox aencingz dangj, gyo'mbaiq aendangj, dingq vah aendangj, riengz aendangj byaij.

(Yungz Cenhmeiz/熊千梅)



► Yunghningz Gih banh hozdung lwnhgangj cingsaenz Haj Cung Cienzhoih.

Aen Hozdung “Duetgungz Gyo'mbaiq Dangj, Byaij Haeuj Gizhaidaeuz Moq” Gunghcwngz



▲ Gyoengqde bang vunzlai yawj bingh mbouj sou ngaenz.

Ndwen 1 ngoenz 31, Cungguek Yinzminz Gaijfangginh 95795 budui, Gveilinz Si Yinzsegiz caeuq Canghsijih Hezvei, bae daengz Gunghcwngz Yauzcuz Swciyen Gunghcwngz Cin Mbanjcanghbu banh aen cawjdaeuz hozdung “duetgungz gyo'mbaiq dangj, byaij haeuj gizhaidaeuz moq”. Gyoengqde caeuq bouxbonjdeih yawjbingh, daeq gyaeuj, raiz doiqcieng cix mbouj aeu ngaenz. Hozdung neix mboujdan soengq raeuj hawj vunzlai, lij dazyinx gyoengqvunz riengz aendangj byaij, daj gizhaidaeuz duetgungz byaij haeuj ndwenngoenz moq.

(Liengz Veih Couh Yinz/梁辉 周云)



▲ Bouxlaux daiq bouxcoz youq ndaw ndoeng ra yw.

Roengzrag Doenghnaz, Gangj Ndei Gojgaeq Fwen

Mboengqneix, Lizgyangh Cuzbanjse ok bonj 《Sing Fwen Haprwenz Gwnzbiengz——Bitgeiq Fwen Ciuhneix Guengjsae》 youz Sung Anhginz raiz haenx. Bonj saw neix raiz le gyawj ngeihcib bi doxdaeuj, gij fwen miz caet cih seiq coenz,

Guengjsae haujlai minzcuz cungj aeu vahdeihfueng Gveiliuj ma eu. Bouxraiz nyinhnaeuz neix dwg minzcuz vwnzva gag doxgyau, doxyungz.

(Hoz Veij/何伟)



▲ Bonj saw 《Sing Fwen Haprwenz Gwnzbiengz》.

Ywyauz Ginhsiu Ra Vunq-sik Moq Guh Binjbaiz Ndei

Gyawj geij bi doxdaeuj, Ginhsiu gaenxmaenx cimhra vunqsik hwngfat Ywyauz, dingh le 《Ywyauz Hwngfat Diuzlaeh Ginhsiu Yauzcuz Swciyen》, gyonjcomz gij rengz bet fueng, baez di baez di guh baenz aen binjbaiz moq Yauzcuz vwnzva. Seizneix, Ginjsiu gungh miz 70 lai aen cienleih Ywyauz, gyoebcomz le 5000 lai diuz danmaed gwnzbiengz; daengx yienh 10 aen yanghcin veiswnghyen cungj hai le Cunghyihgoh, laebbaenz 8 aen yangh gaep Cunghyihgvanj; daengz bi'gvaq nienzdae, Ginhsiu ndaem Ywyauz miz 10 fanh moux doxhwnj, guh baenz 12 aen dieggok dajndaem Ywyauz, hawj vunzlai Ginhsiu ndaej duetgungz coh siujgangh.

(Liu Cinzyenz/廖晨言)